



# التجارة بالبشر والعبودية

## التجارة بالبشر والعبودية دي جرائم خطيرة في أستراليا.

التجارة بالبشر والعبودية دي مخالفة للقانون.

ويمكن الزول البعمل الجرائم دي يدخل السجن، لو كان راجل أو مره.

لو إنت أو أي زول بتعرفو اتعرضت للخطر اضرب تلفون للبوليس على الرقم ده 000.

ما تخاف من ناس البوليس في أستراليا، ناس ديل كويسين ويمكن زول يثق فيهم طوالي.

لو انت محتاج مترجم بالمجان إتصل على رقم تلفون ده **131 450**.

## حكومة بتاعت أستراليا (Australian Government) ما بتتسامح مع التجارة بالبشر أو العبودية الحديثة مهما كانت الظروف.

التجارة بالبشر والعبودية دي يحصل لمن الناس بتعرضو لحالات الاستغلال عشان زول ثاني يربح. ممكن كلام ده يحصل للرجال والنسوان والأطفال. التجارة بالبشر والعبودية ممكن يشمل:

- العبودية أو الرق أو العمل القسري في صناعات زي الضيافة أو البناء أو الحراجة أو التعدين أو الزراعة، وبرضو في العلاقات الخاصة؛
- عبودية الديون؛
- الاستغلال الجنسي؛
- العرس بالغصب؛ أو
- التجارة بالبشر بغرض بيع الأعضاء.

## التجارة بالبشر والعبودية هي جرائم خفية.

التجارة بالبشر والعبودية هي جرائم ممكن اكتشافها يكون صعب. واحتمال الناس ما يطلبو المساعدة لأنهم بكونو خايفين من الانتقام من الناس البستغلوهم أو بكونو خايفين يفتقرو وضع الهجرة بتاعهم.

العلامات البتوري أنو الزول بتعرض للتجارة بالبشر ممكن تشمل:

- إجبار الزول أو تهديدو أو إجباره على العمل بالقوة؛
- أنو الزول يخضع لظروف عمل كعبية شديد؛
- أنو الزول يشتغل بدون أجر أو يكون زي بسدد دين كبير لصحاب العمل أو طرف ثالث؛ أو
- الزول يكون جواز سفرو أو مستندات الشخصية الثانية محتفظ بيها طرف ثالث، وما يقدر يوصل للمستندات والوثائق دي لمن يكون محتاج ليها.

## هل أنت أو أي زول بتعرفو معرض للخطر؟

لو كنت أنت أو أي زول بتعرفو معرض لخطر التجارة بالبشر أو العبودية، انت ممكن تتصل بالشرطة الفدرالية الأسترالية (Australian Federal Police (AFP)) على الرقم **131 237** (131AFP) أو تخش في موقع انترنت بتاع AFP على [www.afp.gov.au](http://www.afp.gov.au) عشان تلقى المساعدة. ناس AFP ممكن يحافظو على سلامتك، ويقدمو ليك المشورة ويحولوك لخدمات ثانية للحصول على الدعم، زي السكن والدعم المالي والاستشارة والنصائح القانونية ونصائح حول الهجرة.

برنامج بتاع "دعم الناس البتعرضو للتجارة بالبشر" (Support for Trafficked People Program) مدعوم من الحكومة وبتقدمو جمعية الصليب الأحمر الأسترالي (Australian Red Cross) عشان يوفرو المساعدة لضحايا التجارة بالبشر أو العبودية.

## في خدمات تانية في أستراليا ممكن تساعدك.

**1800RESPECT** هي خدمة وطنية للاستشارات المتعلقة بالاعتداء الجنسي والعنف المنزلي في أستراليا. خدمة دي بتقدم استشارات ومعلومات سرية بالمجان بالتلفون أو الانترنت. مستشارين ديل بستمعو ليك وبجاوبو على الأسئلة بتاعتك وممكن يحولوك إلى خدمات بتاعت دعم تانية في منطقتك المحلية.

اتصل برقم تلفون ده **1800 737 732** أو خُش في موقع انترنت بتاع **1800RESPECT** على [www.1800RESPECT.org.au](http://www.1800RESPECT.org.au).

## هل انت محتاج لمترجم؟

اتصل بخدمة بتاعت الترجمة التحريرية والشفهية (**Translating and Interpreting Service (TIS)**) على الرقم **131 450**. المترجم بتاع TIS ممكن يساعدك في الاتصال بالخدمات التانية، لكن TIS ما بتقدم استشارات. كل المكالمات بكون مجانية وسرية.

## معلومات زيادة عن التجارة بالبشر والعبودية في أستراليا:

لو انت داير معلومات عن برنامج بتاع **Support for Trafficked People Program**، خُش في موقع انترنت بتاع وزارة الخدمات الاجتماعية (**Department of Social Services**) على [www.dss.gov.au](http://www.dss.gov.au) أو موقع الصليب الأحمر الأسترالي (**Australian Red Cross**) على [www.redcross.org.au](http://www.redcross.org.au). انت برضو ممكن ترسل رسالة بريد إلكتروني إلى **Australian Red Cross** على العنوان: [national\\_stpp@redcross.org.au](mailto:national_stpp@redcross.org.au).

لو انت داير معلومات زيادة عن التجارة بالبشر والعبودية، خُش في موقع انترنت بتاع وزارة الشؤون الداخلية (**Department of Home Affairs**) على: [www.homeaffairs.gov.au](http://www.homeaffairs.gov.au) أو موقع انترنت بتاع الشرطة الفدرالية الأسترالية (**Australian Federal Police**) على [www.afp.gov.au](http://www.afp.gov.au) وفتش على "التجارة بالبشر" "human trafficking".